



BIBLIOTEKA


Zakł. Nar. im. Ossolińskich


XVII

2890









COMMVNIONIS
HIERARCHIÆ PLE-

NITVDINIS ÆTATIS IESV.

pro Redemptione Captiuorum institutæ.

Editorum pro

DISTRICTV ORIENTALI.

Ab



Illustris^{mi} & Excellentis^{mi} Domini D. Michaëlis Adolphi, Comitis ab Althan, &c. &c. Militiæ Christianæ CONCEPTIONIS, Immaculatæ Virginis Mariæ Fundatoris, eiusdemque Generalis Campimagistri: atque præfatæ Communionis Institutoris, eiusdemq; primi Magni Magistri.

Plenipotentiario per plagam Orientalem, in materia Redemptionis Captiuorum, Commissario Arariorumque Præside.

Reuerendo P. Adalberto Dembołęcki á Konojády, Artium & Sacr. Theol. Doct. Commiss. Generali Vlttramontano. Ordinis S. Francisci Minorum Conuentualium.

Cum licentia Superiorum.

J. 3.

VARSAVIÆ,


In Officina Ioannis Rossowski, S. R. M. Typographi.

Anno Domini, 1862.

Plissimum hoc negocium (pielector) Redemtionis Captiuorum, de manibus Paganorum: ita institutum est, vt quicumque deuotus Christianus (Deo inspirante) compassione, super huiusmodi crudelissima, animae simul & corporis, afflictione pauperum sub iugo Paganisni Captiuorum, ductus fuerit, manumque adiutricem, pro amore IESV. Christi crucifixi, non tantum simpliciter porrigere, sed etiam inter tales connumerari & haberi, eorumq; plurimis gratis, tam a Sancta Sede Apostolica, Spiritualibus & temporalibus, quam ab Inuictissimo Imperatore Ferdinando II. aliisque Augustissimis Regibus & Principibus Christianis, concessis, gaudere voluerit; necesse est, vt nomen suum in Album Communionis inferens, sese Tributarium Christi, pro Redemtionis Captiuorum declaret: extunc offerendo, & in posterum promittendo, singulis annis, ad honorem pleni numeri atatis IESV, triginta tria, sibi possibilis, pro redimendis Captiuis beneficia, in Aerarium Communionis inferre. Miserorum ergo pie Lector miserere, vt eorum Orationibus habeas, praesens futurumque, *VALE.*

EX BVLLA CONFIRMATIONIS.

Insuper vt Confratres in piorum operum praesenti exercitio confouentur, ac magis ad illa in posterum exercenda, necnon alij Christi fideles ad dictam Confraternitatem de caetero ingrediendam peramplius inuicentur, eademque Confraternitas maiora in dies suscipiat incrementa, de Omnipotentis DEI misericordia, ac Beatorum Petri & Pauli Apostolorum eius auctoritate confisi, Omnibus & Singulis vtriusque sexus Christi fidelibus, qui dictam Confraternitatem de caetero ingredientur, die primi eorum ingressus, si verè poenitentes & confessi, Sanctissimum Eucharistiae Sacramentum sumpserint, plenariam ac eisdem & pro tempore existentibus Confratribus & Confororibus in cuiuslibet eorum mortis Articulo, si etiam verè poenitentes & confessi ac sacra Communione refecti, vel quatenus id facere nequiverint, saltè contriti nomen IESV, ore si potuerint, sin autem, corde deuotè inuocauerint, etiam plenariam, &c. omnium peccatorum suorum indulgentiam & remissionem misericorditer in Domino concedimus. Necnon &c.



De recipiendis in Album Communionis. Caput. 1.

Q Vicunq; fideliū, Confrater Communionis esse voluerit, confessus & Communicatus nomen suum in Cathalogum Confratrum inscribat, vel (si nescit) per Secretarium illius Ærarij, inscribi faciat: Reponendo triginta tres obulos, vel solidos aut grossos, siue medios grossos, aut florenos, vel Taleros, siue aureos, vel eorundem medietates &c. (vnusquisq; iuxta deuotionem & possibilitatem suam) atq; id ipsum, singulis annis se facturum promittendo.

Confrater autem factus: singulis diebus deuotè orabit, Coronam Cōmunionis, quæ est ad honorem ætatis Iesu: triginta tribus vicibus dicere hæc verba: *Gloria in excelsis Deo, Et in terra pax hominibus bonæ voluntatis.* Petendo à Deo Gloriam ipsius in eliberatis Captiuis Christianis. Debebit que in rebus Communionis tantum, Præfecto Ærarij firmiter obedire, sub pænâ eiectionis ex Cathalogo.

De Ærarijs Orientalibus. Caput 2.

Æ Raria Communionis triplicia erunt: videlicet, Localia, Prouincialia & Generale Districtus. Omnia verò & singula non nisi in templis, ita fundabuntur, vt Capellam propriam, vel in defectu illius, saltem Altare habeant.

Ipsam autem Ærarium à dextris Altaris, id est, à cornu Euangelij in loco eminenti collocetur: cum superscriptione. Ærarium loci (vel Prouinciæ) N. (Vel Subærarium N. Ærarij N.) Communionis, pro Redemptione Captiuorum.

Forma quoque Ærarij, sit vbiq; eadem; videlicet. Fiat Cista oblonga, congruæ magnitudinis; in cuius medio, ad

partem posteriorem, (parieti affigendam) sit infixæ *Crux Communionis* ex asseribus facta, ita vt intra sit vacua. In cuius summitate, sit paruum foramen, ita intromissum: vt iniecta in illud pecunia, in cistam vsq; decidat. Ob id, in Cista ipsa, sint duæ diuisiones, ex asseribus factæ, tantum ab inuicem distantes, quantum lata *Crux* ipsa fuerit; ita, vt iniecta pecunia, non per totam Cistam diffundatur, sed in media cellula (reliquis minima) remaneat, donec per *The-saurarios* reuisa, ad alteram quæ ad dextram erit transponatur. Sitq; obstaculum, in eadem media cellula, sub ipsa *Cruce* factum, ita quod etiamsi cista euerteretur, vel *Crux* ex ea effringeretur, pecunia nihilominus non possit retrocedere, vel effundi aut extrahi.

Superior pars cistæ seu occlusorium illius, sit scissum per totum in latitudinem, non tamen per medium: sed propius parti posteriori videlicet versus *Crucem*: adeò, quod non obstante immobilitate *Crucis* infixæ, tota simul Cista ita aperiat, vt non prius vna, quàm reliquæ cellularum, appareat.

Huiusmodi ergò *Ærarium*, ex Cista & *Cruce Communionis* extractum, sit circumquaq; ferro sufficienter munitum, atq; in angulo *Altaris*, vel duorum murorum; non supra terram, sed ligneum integrum fundamentum situm; duobus muris, vel muro & *Altari*, aut (si extrema latitudinis cistæ, & *Altare*, & murum attigerint) vtriq; muro & *Altari*, fortiter affixum: idq; & desuper, in ea parte cistæ, quæ ob infixam sibi *Crucem* non potest aperiri, & ab extrâ in collateralali parte vel partibus cistæ, oculo expositis. *Crux* quoq; ipsa, & cistæ & muro sit benè vndiq; affixa. Fundamentum autem præfatum, ad obstitendum terræ humiditati *Ærario* supponendum, sit etiam & muro & ipsi *Ærario*, vndiq;

vndiq; affixum: ne eo extracto possit ad inferiorem partē
 Ærarij patere furtiuus accessus.

Sic autem munitum, & affixum Ærarium, tres seras ha-
 beat intralates (vulgo Zamti) proportionaliter disposi-
 tas; Quarum quidem singulæ clauēs, apud singulos The-
 saurarios erunt; ita, vt nullus absq; altero, possit illud ape-
 rire. Nec vnquam etiam à tribus aperietur, sine præsentia
 Præfecti, vel (in casu aliquo) eius substituti.

Præfatarum ergo trium cellularum Ærarij, in media, so-
 la iniecta per cruce[m] eleëmofyna permanebit, in dextra,
 collateralī, pecunia numerata & registrata in summasque
 aliquas redacta; in sinistra verò scilicet Altari proximiori,
 tres libri Ærarij; videlicet Acta, Cathalogus & Summariū
 prouentuum atq; expensarum, asseruabuntur.

Quidquid autem de Ærarijs (siue Generali in districtu
 Orientali, siue Prouinciali in Regno aut Prouincia vel na-
 tione aliqua, siue locali, in Ducatu seu Palatinatu vel Dice-
 cesi, aut aliquo Dominio erigendis) præmissum est; id ipsum
 & de Subærarijs, in Oppidis priuatisque locis erigendis in-
 telligendum erit.

De Ordine inter Æraria seruando. Caput 3.

ORdo autem inter Æraria & Subæraria talis obserue-
 tur, vt inferius subsit, obediaturq; superiori. Præfecti
 itaque Subærariorum, ante diem Natiuitatis Redemptoris,
 (quo tempore facta est prima orbis conscriptio) Tributa
 Confratrum, pro Redemptione captiuorum voluntariè cō-
 scriptorum, colligent, & quæq; infra scripta, circa Æraria
 pro Festo Trium Regum facienda, ipsi in Vigilia Natiuita-
 tis, vel in die S. Stephani expedire præuenient: reuisoq;

Subærario, decimam partem totius Summæ, pro necessitatibus Subærarij, in ipso relinquet: reliquas verò nouem, ad suum Ærarium locale (cui pro tempore adnumeratum fuerit) vnà cum informatione de electis pro eo anno Officialibus, & reliquo statu rerum Subærarij, atq; registro captiuorum transmittet; ita, vt ea omnia Præfectus Ærarij, ante Festum Trium Regum, præ manibus habeat.

Præfectus verò Ærarij Localis (quod erit in Ducatu vel Palatinatu &c.) approbatâ confirmõe Officialium Subærarij, & mutato vbi opus fuerit (de consensu tamen Consiliorum & Ærarij & illius Subærarij) Præfecto illius: cõfusisq; omnium Subærariorum Eleëmofynis, cum illis quæ sunt in Ærario, decimam octauam partem totius Summæ, pro necessitatibus Ærarij segregabit; reliquas verò decem & septem ad Ærariũ Prouinciale (cui pro tempore adnumeratũ fuerit) vnà cum informatione, de statu Ærarij & Subærariorum eius, de Officialibus quoque Ærarij, in die Trium Regum pro eo anno electis, atq; Præfectis Subærariorum & his similibus, necnõ registra Captiuorum, Præfecto Ærarij Prouincialis, ante Dominicam Septuagesimæ transmittet: ita, vt pro ea Dominica Præfectus Prouincialis omnia præ manibus habeat.

Præfectus itidem Ærarij Prouincialis, pariter approbatâ confirmatione Officialium Ærarij Localis, & mutato vbi opus fuerit (de consensu tamen consiliorum, & Prouincialis & illius Ærarij) confusisq; omnium Ærariorum Localium Eleëmofynis, cum illis quæ fuerint in Prouinciali Ærario, trigesimam quartam partem totius Summæ, pro necessitatibus Ærarij Prouincialis in eo relinquet, reliquas verò triginta tres ad Ærarium Districtus Orientalis, vnà cum informatione, de statu Ærarij Prouincialis, suorumq; Ærari-
orum

orum Localium & eorundem Subærariorum : de Officialibus quoq; Ærarij Prouincialis (in Dominica Septuagesimæ, pro eo anno electis) atque Præfectis suorum Ærariorum, Localium eorundemq; Subærariorum, & his similibus, Præsidenti seu Commissario Orientali Communionis pro festo Paschatis vnà cum Regestris captiuorum, à Subærarijs per Præfectos Ærariorū Localium acceptis transmittenda, vt ille de omnibus qualibuscumq; Ærarijs sui Districtus informatus, congregatisque omnibus Summis Ærariorum Prouincialium atque regestris Captiuorum ad Ærarium Generale Districtus Orientalis; possit ad magnum Magistrum Communionis, eiusdemq; primum Antistitem pro tempore existentes, immediatè post Pascha expedire, eosdemq; ante Festum Pentecostes, de omnibus informare, vt in Archiuo actentur, de vltioribusque agendis, ibidem Spiritus Sanctus in die Pentecostes requiratur.

Porrò Legati inferiorum Ærariorum, ad superiora cum pecunia missi, Regestra quoque captiuorum (si qui fuerint) Confratrum, veleriam quorumcunq; aliorum, auxilium Communionis requirentium; iuxta infra præscriptam (Cap. 7.) formam ordinata, secum adferent Præsidenti Orientali transmittenda. Reuidebunt quoque Æraria, ad quæ mittuntur, & Eleëmofynarum rationes, atq; numerum Redemptorum, ita, vt sciât ijs à quibus missi sunt, rationē reddere, quomodo expendantur, quidque boni pro eis factū sit. Præfecti autem pecuniam à Legatis accipientes, ab iisdem requisiti, eos de omnibus ac singulis, autenticè informare, ipsisque omnium rationem reddere debebunt: ita vt cum omnes sciuerint, negocij administrationem, nullus possit quempiam infidelitatis criminari, vel saltem suspectum habere.

De Capellis seu locis Ærariomm. Caput 4.

Capella Communions, portam fortem, & crateres ferreos in fenestris habeat, ita, vt ibidem Ærarium omni ex parte securum permaneat. Si autem in defectu Capellæ, tantummodò Altare fuerit; id ipsum crateribus ferreis (vel saltem fortibus) circumqua; in formam Capellæ, ita muniatur, vt malo homini, nullus per eos ad Ærarium pateat accessus.

Imago autem Altaris principalis (vbi fieri poterit) vni-formitatis gratiâ, vbique huiusmodi erit: vt hic affigenda, tabula docebit. ¶

Per ipsam verò Capellam, depingantur omnes vel earum (iuxta loci capacitatem) aliquæ principales imagines, quæ in adiicienda tabula videbuntur. Taliterque disponantur, vt primæ sint remotiores ab Ærario, vltimæ autem eidem proximiores.

Extra Capellam etiam, sit, Crux Communions, supra portam depicta, cum inscriptione, circa vel supra eam. *Capella Communions pro redemptione Captiuorum.*

Vbi autem non nisi Altare habetur, affigatur tabella id ipsum continens, super crateres, Altare circumducentes.

Singulis ergò diebus, in huiusmodi Capellis, vel Altarijs, Missa Votiuâ pro afflictis & Captiujs legetur. In Solennitatibus autem, saltem commemoratio, vel ad minùs memoria pro iisdem, fiat in Missa de die peragenda.

Festa verò Natiuitatis & Resurrectionis Domini, Trimumque Regum, & verumque S. Crucis, atque Conceptionis Beatissimæ Virginis, & SS. Michaëlis Archangeli, Francisci Sigmazari, Basilij Episcopi, & Ignatij Soc. Iesu. cum sint festa huius Communions, omni meliori modo sol-

S T A T V T O R V M.

dò solenizabuntur, Confratresque ad S. Communionem, in ijs faciendam, exhortandi erunt.

Vnâ quoque liberiori cuiusuis Mensis Dominica, fiet exhortatio in eadem Capella: & si qui fuerint in Album, Communionis recipiendi, confessi & Communicati, in Cathalogo Confratrum, registrentur; quanquam & alio quocunq; tempore, seruatis seruandis recipi poterunt.

De libris Ærarij. Caput 5.

Libri cuiusuis Ærarij tres erunt posteritati relinquendi: videlicet Cathalogus Confratrum, Acta Ærarij, & Regestra acceptarum atque expensarum Ærarij. In quibus Secretarius Ærarij pertinētia infra scriptis formulis recōdet.

De Cathalogo.

Titulus Cathalogi talis fiat, debite dispositus *Cathalogus Confratrum Communionis Hierarchie plenitudinis etatis Iesu, Tributatorum Christi, pro Redemptione Captiuorum, ad Ærarium. (vel subærarium) N. erectum.* Anno Domini die.

Forma autem inscribendi in eo, talis obseruetur. Anno die Illustris (vel quod fert conditio personæ) N. N. in presentia Confratrum N. N. N. (ad minus 3. ponantur) ad Communionem receptus, Confraterque factus, obrulit, in posterumque singulis Annis offerre promisit triginta tres. N.

Hic liber habeat Subcathalogum, singulis annis, per eiectionē ex eo mortuorū renouandum; fiatq; in tali forma. (vniformitatis gratiâ) vt sequitur Folio sequenti.

Titulus autem ipsius erit, *Subcathalogus Confratrum viuorum Communionis Hierarchie plenitudinis etatis Iesu, eorundemque Tributatorum pro Redemptione Captiuorum ad Ærarium N. reformatus.* Anno Domini in die.

S V M M V L A

4. **S V B C A T H A L O G V S . Æ R A R I I . N .**

	Tysiacow.	Set.	Dzieśiat.	Czer. Sto.	Czlar.	Stoych	
N. N.	33. Czł.						Residuum sequitur.
N. N.		33. tál.					
N. N.	33. Sto						
N. N.		33. Sto.					
N. N.	33. Ort						
N. N.					33.		
N. N.			33. Ort			33.	
N. N.				33.			
<i>Summa.</i>							

Co.

5. **A N N I . D O M I N I . 1 6 2 6 .**

	pultal.	pultot	Ortom	Szost.	poroy.	Grosz.	pulgz	Szelo.	Zwa.
Residuum			33.			33.			
	33.							33.	33.
				33.					
		33.						33.	
<i>Lateris.</i>									

De Actis.

Titulus Actorum talis fiat, debite dispositus. *Acta Ærarij* (vel subærarij) *N. Communionis Hierarchia plenitudinis ætatis Iesu, pro Redemptione Captiuorum, erecti, in Capella* (vel ad Altare) *N. N. templi N. (à loco) Parochialis* (vel *N. N. Sancti N. per N. N.* (nomen & cognomen atque titulus erigentis) *Anno Domini*

In hoc libro scribentur, donationes, Priuilegia, & quæq; essentialia seu notabilia Acta circa Ærarium, ita, vt exprimat^rur tempus, locus, causa, personæ actus, atque in eo conclusa.

clusa, & his similia, in eum qui sequitur modum. *Anno Domini die fuit sessio Annualis.* (vel quartualis, aut ex occasione aduentus Visitatoris, vel quacunque alia) *In qua aderant, Praefectus, Thesaurarii omnes* (vel quot fuerint) *Consiliarii quoque omnes* (vel quot fuerint) *Capellanus, & Confratres* si qui fuerint praesentes digni admissione, tot quot interfuerint, in summa ponantur) *Conclusumque est*

(vel reuisum Aerarium &c. vel Subcathalogus reformatus) ex quo (tot) mortui deleri sunt, pro eisque die sequenti celebratum, vel quartualis per Confratres N. & N. pro Captiuis mendicatio; ex qua (tantum) allatum, Thesaurarijs consignatum est: vel Redempti praesentati, (tot) & his similia.

☞ De Protocolo Actorum, infra habetur, vbi agitur de Secretario.

De Regestris.

Titulus Regestrorum talis fiat pariter debite dispositus. *Regestrum Acceptorum, ad Aerarium* (vel Subaerarium) *N. N. Communionis Hierarchie plenitudinis aetatis Iesu, sub Praefectura N. N. in Anno Domini* In altera vero parte eiusdem libri fiat titulus, *Regestrum Expenforum, ex Aerario &c. vt supra.*

Forma conficiendi Regestri.

Accepta Aerarij N. in Anno Domini

I V N I V S.		Flor.	Gross.	Tern.
1. Fer. ij.	Ex Annuali collecta Tributorum.			
	Ex Subaerario N. per manus N. N.			
6. Sabbato.	Ex legatione per Testamentum.			
	Ex Domo N. Censui Annualis.			
vlt. fer. ij.	Congregatae per Mensem Eleemosynae.			
	Ex quartuali mendicatione.			
I V L I V S.	Summa lateris.			

Eodem modo, Expensa Regestrentur.

Observandum autem est, quòd huiusmodi Regestra, tam Acceptorum, quàm Expenforum, debeant esse perpetua, ob idque in eis, nonnisi, notatu digna, vt Summæ aliquæ, tam Acceptæ quàm Expensæ, quàm breuissimè notentur.

☞ Pro rebus autem minoris momenti, Sacrista Capellæ, (vel cui commiserit Præfectus) habebit, Regestrum transitorium: (correspondens Subcathalogo) in cuius vnâ parte, accidentales eleëmofynas, iu crucem iniiciendas, in altera verò, occurrentes expensas, pro necessarijs Capellæ, per mensem notabit; expendendo summam à Thesaurarijs pro eò mense acceptam. In fine autem Mensis Præfectus auditâ ab eo ratione acceptorum & expenforum, in Regestro perpetuo notari faciet, sub vltimâ die mensis, *Congregata per mensem Eleemosinæ & Expenfarum per eundem factarum pro necessitatibus Ærarii.*

De Officialibus Ærarij & Officijs eorum. Caput 6.

V Bicunque autem Ærariū erectū fuerit, ibidem, vt debito more gubernetur & conseruetur, aderūt semper Præfectus Ærarij, Thesaurarij tres, Consiliarij quatuor, & Secretarius. Qui omnes iurati erunt iuxta sequentem formulam.

Ego N. N. Confrater Communionis Hierarchiæ plenitudinis ætatis Iesu, electus & confirmatus Præfectus (vel Thesaurarius, &c.) Ærarij N. voueo & promitto Deo Omnipotenti, Immaculatæ Virgini Mariæ, Sanctisq; Patronis Communionis, Michaëli Archangelo, Basilio, Francisco, atque Ignatio, & omnibus Sanctis, quòd toto tempore mei

re mei officij, legitimis superioribus Communionis quibuscumq; in ijs omnibus, solisque tantum, quæ sunt vel erunt Communionis & officij mei, firmiter & omnimodè obediàm, commissumq; mihi Officium, iuxta præscriptas de co leges & statuta Districtus Orientalis, cum omni fidelitate, atque possibili diligentia exequar; & si quid nociuæ infidelitatis vel negligentæ, in aliquo Officialium, maiorum minorumue me ipso compererim, id semper ad immediatum illorum Præfectum vel Superiorem, aut Ærariorum Visitatorem, non negligam referre, ad laudem Dei, & consolationem Captiuorum. Ita me Deus adiuuet, & hoc S. Euangelium.

Omnes autem prædicti iurati Officiales, à Confratribus illius Ærarij, per vota secreta eligentur, vel reeligentur. Præfectus quidem, non nisi quonies, & quodcumq; alter, mortuus, vel Officio iustis de causis legitimè priuatus fuerit, aut spontè Præfecturam resignauerit, reliqui verò singulis Annis, vt infra habetur, *Cap. 7.*

Electorum verò Præfectus Subærarij, à Præfecto Ærarij localis, hic verò à Præfecto Ærarij Prouincialis, & ille à Præsidente Districtus Orientalis: reliqui autem à sui Ærarij, vel Subærarij Præfectis confirmabuntur.

Præfectus ergò Ærarij, tanquam caput Confratrum (cui reliqui omnes in ijs tantum quæ sunt Communionis obedire debebunt) singula disponet, aduertendo vt Ærarium benè gubernetur, & custodiatur, Cathalogusq; Confratrum per Concionatorum exhortationes augeatur, & Acta Ærarij fideliter cōscribantur, atq; reliqua in hisce statutis contenta, omnia ac singula ad vnguem obseruentur.

Thesaurarij verò tres, ex diuersis statibus eligantur: ita, vt vnus sit Ecclesiasticus, alter Nobilis, Tertius Ciuis;

Quorum singuli singulas claues Ærarij habebunt.

Consiliarij quoq; 4. eligantur, ita vt duo sint Ecclesiastici, & duo sæculares: videlicet, Nobilis & Ciuis. Qui omnes s. Thesaurarij & Consiliarij, quotiescunq; à Præfecto Ærarij ad Consilium vocabuntur, pro assignato tempore comparere debebunt.

Prouideatur vltra hos, vt Capella vel Altare Communions, habeat suum Capellanum, eiusdem tamen status seu Ordinis, sub eademq; Obedientia, prout & reliqu⁹ illius Templi Clerus. In Consilijs autem, & quibusuis publicis Actibus, locum & vocem, post prædictos Ecclesiasticos Officiales habebit. Sit quoq; Minister Ærarij, quæque seruilia circa Ærarium peracturus.

Sacrista etiam seu Custos Ærarij, fidelis & diligens eligatur, poteritq; idem esse qui & Capellanus.

Secretarius Ærarij, pariter per vota secreta eligendus, vt præfatos tres libros: videlicet, Acta, Cathalogum, & Regestra, tantò exquisitiùs, breuiùsq; & fideliùs conficiat, habebit singulorum singulare Protocolon: in quo, pertinentia iuxta superscriptas formulas notabit, eaq; singulis quartualibus coram Consilio perleget: atque, audita & per subscriptionem approbata, in libros inscribet, insertaque & collationata esse, in sequenti quartuali sess. comprobabit.

Ob idq; singulis quartualibus, fiet Sessio, seu Consultatio de statu rerum Ærarij, in qua fiet Ærarij & librorum illius reuisio, atque (vltra alia) ad mendicationem quartualem expeditio; multi enim etiam si Confratres nõ fuerint, libenter tamen in tam pium finem Eleëmofynas facient, multi etiã Confratres vltra ordinariũ Tributũ Christi, poterunt aliquãdo aliquid elargiri; quæ Eleëmofyna per Cõfratres cõgregata per Thesaurariosque numerata in Ærariũ reponetur,

STATVTO R V M

De Congregatione Annuali Caput 7.

Singulis annis, Præfectus Ærarij, tēpore, (*supra Cap. 3.*) Præscripto, Annualem Confratrum Congregationem faciet. In qua coram, & in præsentia omnium, claves Ærarij, & libri eiusdē omnes in mensa reponētur. Deinde per vota Secreta Thesaurarij vel reeligentur vel noui eligētur. Quibus electis, atque à Præfecto cōfirmatis, singulis singulæ claves Ærarij, publicè cōsignabūtur. Pariter quoque vel reeligentur vel eligentur, Capellanus, Consiliarij, atque Secretarius; cui Acta Ærarij, & reliqui libri concredentur.

Postmodum fiet reuisio Ærarij, & librorum illius: Quæ omnia Officiales anni præcedentis, nouiter electis, debite coram Cōmunitate resignabunt; vel si ipsimet reelecti fuerint, rationem reddent suæ administrationis.

Tandem Subcathalogus reuidebitur, ex quo mortui delēbuntur, fietque pro ipsis in crastino *Requiem*, cui omnes studeant adesse. Illi autem qui supersunt viui, admoneantur, vt si qui possint plus quàm hæctenùs, contribuāt: si verò aliqui, neque hoc possint, quod promiserunt, Tributum eorū (iuxta probatā impossibilitatem) minuat; ita, vt in posterū pro 33. aureis, floren. 33. medios flor. vel gros. & c. cōtribuāt; hæc enim liberè & ex solâ charitate fieri debēt.

Deinde producat^r authentica relatio, de redemptis anno præterito Captiuis, qui & quot fuerint, atque reliqua de statu & successu rerū Cōmunionis, iuxta quod delator Sūmæ ad maius Ærariū, ab illius Præfecto acceperat.

Tandem quærat^r, an non sciantur aliqui illius loci Captiui: atque si fuerint, nomina eorū, facies, ætates, cōplexiones, tēpus & occasio Captiuitatis, atq; his similia (& inter cætera an. Confrater fuerit necne) registretur, maiori Præfecto vnâcum sūma transmittendum. Post hæc cōsultetur de necessitatibus Ærarij,

His exple-

SVMMVLA STATVTORVM

His expletis Præfectus Ærarij de successu rerum, numero Cōfratrū, electis Officialibus, & de sūma, quāta sit in Ærario quātaque ad maius Ærariū remittitur, de captiuis quoq; regestratis, & his similibus, Præsidentē Orientalē per literas informabit; ita vt sciat quidquid maiori Præf. trās mittitur.

Præfectus ergò Ærarii vel Subær. prædicta omnia & singula executioni mādabit: cui omnes in hisce (hisque cōfor- mibus, si quæ successu temporis, pro perfectiori statu rerū, edenda fuerint) obedire debebunt.

De modo redimendi Captiuos. Caput 8.

Regestrum Captiuorum, studio Præfecti Ærarij vel Subærarij, vbiuis lo- corum, singulis annis in annualibus (vt proximo capite præmissū est) Congregationibus. (& quodocunq; accidentalis necessitas exposulauerit) dili- genter consiciendum: per manus maiorum Præfectorum, vsque ad Præsidentē Districtus Orientalis vnā cum collectis Eleemosynis (eo modo vt præmissum est Cap. 3.) deueniet. Præsidentem autem, Agentibus (quos Constantinopoli, & in alijs locis paganorum, Illustriss. D. Fundator Communionis, in eum solum sine detinet) studium eos inueniendi committet. Agentes verò vel aliquis eorum si talem inuenerit redimet, (redemptumque acceptā ab ipso recognitione quā- tum pro eo expenderit) ad Præsidentem Orientalem Cameneriū, vel vbi residē- tiā fixerit, securē (est enim super hoc Turcici Imperatoris consensus) remittet.

Remissu: ergò captiuus, solenniter ad Capellā Cōmunionis deducetur, ibi- que primū, Deo, & Christo Redemptori atq; Beatiss. Virgini & SS Patronis Communionis gratiasaget: postmodū autem publicē coram populo referet, quomodo, per quem, & quantā summā redemptus fuerit; ac demum notato a- ctu, dimittetur, idq; libere, si Confrater fuerit: sin minus verò, factā cautione, quod infra determinatum tempus, Summam pro se datam, ad sibi proximius Æ- rarium refundet.

Regestrum autem Redemptorum, authenticatum singulis annis ad omnia Æraria, per manus Præfectorum inferiorū, remittetur: ita, quod per eandē vi- am à Præsidente Districtus Orientalis, vsque ad Præfectos singulorū Subærariorū reuertatur, per quam Regestra Captiuorum, ab ipsis vsque ad Præsidentē Di- strictus deueniant.

Hæc pro præsentī sufficienter,


Ad

**GLORIAM IN EXCELSIS DEO,
Et in terra pacem hominibus bonæ voluntatis.**

✠ (*) ✠



9047



4342

9044
1

